

# Zuekunfts-Beppi

## Schnitzelbank 1927

Niene uff der ganze Welt  
Isch's so himmeltruurig bschtellt  
Wie z'Basel um der **Fahrverkehr**  
Trotz-em Dokter **Wellauèr!**

Er isch zwor prädeschtiniert,  
Dass er so-ne Liga fiehrt,  
**Well au er** d'Sens-unique-Route  
i kratzt het uf siner Schnutte!

Witer lit-is uf-em Mage  
Das **Verbott** fir d'**Kinderwage**.  
Wenn der Föt au no so schreit  
Wird er abem **Trottoir** keit!

Da'sch fir d'**Schugger** jo e Frässe  
Und si lauere druff wie bsässe  
Sone Wägeli z'arretiere!  
**S'isch jo nit derbi z'riskiere.**

So-ne **Bundesfyr** wie die  
Dert am Rywäg, Nündedie!  
Puncto Organisation

Isch das scho der rainschti Hohn!  
D'Ytrittsgälder händ-si gno,  
Doch de hesch nyt z'gseh biko.  
**S'Fiirwärk**, woruf Alli plange  
Isch-ene dur d'Latte gange!

S'Dänkmol uf der Batterie  
— s'isch im letschte Summer gsi —  
Het-me inere dunkle Nacht  
Radikal kaboris gmacht.

D'Nase, d'Händ und d'Fiess abschlage!  
Jä, was soll-me dozue sage??  
Me glaubt jetz ehnter sälle Dreie  
Dass-si doch im Krieg gsy seie!

Mer kriege jetzt e **Dirigänt**,  
Der greschti Bonz vom Continänt!  
In **Züri** schuume-si vor Wuet!

(Was uns no bsunders fraie duet.)  
Schwein, das hämmer diesmol gha  
Basel frait sich wie ai Ma:  
Nur zwai, wo's fuxt, und das nit weni:  
Der „**Lieder-Chaiser**“ und der „**Benj**“.

E Sängergreessi: **Reinbard Gehr**  
— Er isch im **Näbebruef** au Lehrer —  
Dä haut schynts oft e bitzli z'toll  
De Buebe ihri Hinder voll!

Bim Bueb vom **Schnyderfritz**, em rote,  
Do isch-er zwor an Lätze g'rote!  
Der Gebhard vor der Kadi kunnt,  
Verseglet wird dä Gschwullihund!

**Oberschugger**, blyb bim Leischte!  
Du verstoh'sch jo doch die meischte  
Sache nit, was Kunscht agoht!  
Sisch so, **Herr Regierigsrot!**

Waisch, zue was das Schnüffle fiehrt?  
Hesch-Di nit scho gnueg blamiert?  
Loss Du d'Händ vom **Censuriere**,  
Sunnscht kennt'sch liicht die Stell verliere!

**Bummi**, jetz isch's aber gnue!  
B'halt emol di Klappe zue!  
Oder nimm e-n-Abtrittdeckel,  
Denn di Gsohl wird eim zuem Eckel.

**Bummi** het vor etzlige Johre  
E gross Stick vo sim Darm verlore.  
Drum wunderet aim si Dräckmul nit,  
Wells gar so nooch bim . . . . . lit!

